



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 37. Pax inter Hungarus atque Polonos

[urn:nbn:de:hbz:466:1-66459](#)

Sacul. XV. dis dissidiis, quibus Hassiæ Landgravius
A.C. 1474. & Rupertus de Coloniensi Archiepisco-
patu contendentes inter se collidebantur,
eodemque tempore lites diremit, quæ
ex horum æmulatione inter Imperato-
rem & Burgundiæ Ducem exortæ fuere.
Tam gravia negotia Legatum præter ex-
pectationem suam diutius in hisce regio-
nibus detinebant: Ast inde eo magis ac-
ceptus erat ipsius reditus. Romam de-
latus in Sanctiore Patrum Senatu a Pon-
tifice hanc in rem convocato de rebus in
sua Legatione gestis rationem reddidit,
petiitque veniam, quod nec imperio Pon-
tificis, nec Cardinalium exspectationi, ut
ajebat, plene satisfecisset: Papa, Legati
Zelo, ac ejus in Christianam Rempubli-
cam amore plurimum dilaudato, simul
cum Cardinalibus eidem gratias verbis
valde honorificis egit, eumque in laboris
sui præmium Prænestino Episcopatu de-
coravit, quam Sedem tenuit usque ad
annum millesimum quadragecentesimum
nonagesimum, quo etiam beato fine
quievit.

§. XXXVII.

Pax inter Hungaros atque Polonos.

In hisce Regnis potissimum hujus Cardi-
nalis laboribus optatus adspirabat suc-
cessus; Pax enim Hungariæ inter ac
Poloniae Reges feliciter confecta est.
Hujus

Hujus rei Nuntium Aquilejensis exiguo Sæcul. XV.
post redditum suum tempore velut gratum A.C. 1474.

Legationis suæ fructum Romæ accepit.
Ipse Matthias Rex ad Pontificem ac Prin-
cipes literas dedit, quibus pacem stabilitam
significat, simulque gloriatur, quod fun-
ditus Polonorum & Bohemorum copias Bonfin. l.
delere potuisset, nisi Christianum Regem det. 3.

Christianorum etiamsi hostium misereri
decuisset. Forte summa armorum suorum
fiducia deceptus, rem verbis nimium ex-
tulit. Certum nihilominus est, Matthiam
militari experientia, ac assidua armorum
exercitatione longe præstantiorem fuisse
Casimiro Poloniæ, & Vladislao Bohe-
miæ Regibus, quorum posterior adole-
scens erat, adhuc rerum inexpertus.
His autem conditionibus pax conclusa
est: Matthias Moraviam & Silesiam Pro-
vincias, Vladislaus Bohemiam atque
Lusatiam possideat, &, si alteruter abs-
que liberis decederet, qui vita superstes
est, universis potiatur, atque interim
uterque Regni Bohemiæ titulum gerat.
Legibus hisce utrinque firmatis Vladis-
laus Pragam revertitur, ubi Hussitæ in
eum seditionem conflagrunt, atque usque
eo temeritatis devenerunt, ut ipsum Re-
gno pellere minarentur. Hujus conjura-
tionis Matthias in suspicionem quodam-
modo vocabatur.

113 §. XXXVIII.